



Պ Ա Շ Տ Ո Ն Ա Կ Ա Ն

ՄԱՅՐ ԱԹՈՒ Ս. ԷԶՄԻԱԾՆԻ ԲԱՐԵՐԱՐ
ՊԱՐՈՆ ԳԱԼՈՒՍՏ ԿՅՈՒԼՊԵՆԿՅԱՆԻ ՄԱՀՎԱՆ ԱՌԹԻՎ
ՓՈԽԱՆԱԿՎԱԾ ՀԵՌԱԳՐԵՐԸ

ՊԱՐՈՆ ՆՈՒՊԱՐ ԿՅՈՒԼՊԵՆԿՅԱՆԻՆ

Փ Ա Ր Ի Զ

Խորք վշտով իմացանք Մայր Աթոռ Ս. Էջմիածնի բարերար պարոն Գալուստ Կյուպենկյանի ցավալի մահը: Գերագույն Հոգևոր Խորհրդի, Մայր Աթոռի միաբանության և անձամբ իմ անունից հայտնում ենք մեր խոր ցավակցությունները անդարձ կորստի համար: Աղոթում ենք Աստուծուն՝ հանգուցյալի հոգու փրկության և հանգստի համար: Թող Հոգին Սուրբ մխիթարի հանգուցյալի սգակիր ընտանիքին և բարեկամներին: Օգոստոսի 7-ի կիրակին մատուցելու ենք հանդիսավոր պատարագ և հոգեհանգիստ:

Օ Ր Ի Ն Ո Ւ Բ Յ Ա Մ Բ՝

ԳԵՐԱԳՈՒՅՆ ՀՈԳԵՎՈՐ ԽՈՐՀՐԴԻ ՆԱԽԱԳԱՀՈՂ՝

ՎԱՀԱՆ ԱՐՔԵՊԻՍԿՈՊՈՍ

3 օգոստոսի 1955 թ., էջմիածին:

ՊԱՐՈՆ ՎԱՀԱՆ ՄԱԼԵԶՅԱՆԻՆ

Ն Ի Յ Յ Ա

Հայտնում ենք մեր խոր ցավակցությունները Մայր Աթոռի բարերար պարոն Գալուստ Կյուպենկյանի ցավալի մահվան առթիվ: Օգոստոսի 7-ին Մայր Տաճարում մատուցվելու է հոգեհանգստյան պատարագ: Խնդրում ենք մխիթարել հանգուցյալի ընտանիքի անդամներին Մայր Աթոռի անունից:

ԳԵՐԱԳՈՒՅՆ ՀՈԳԵՎՈՐ ԽՈՐՀՐԴԻ ՆԱԽԱԳԱՀՈՂ՝

ՎԱՀԱՆ ԱՐՔԵՊԻՍԿՈՊՈՍ

3 օգոստոսի 1955 թ., էջմիածին:

ԳԵՐԱՇՆՈՐՀ ՎԱՀԱՆ ԱՐՔԵՊԻՍԿՈՊՈՍԻՆ

Է Զ Մ Ի Ա Ծ Ի Ն

Հանուն իմ և ամբողջ ընտանիքիս հայտնում եմ, որ շատ զգածված ենք Ձեր համակրանքից, վշտակցությունից և աղոթքներից: Խնդրում եմ ընդունել մեծաբանեք և անկեղծ շնորհակալություններս անձամբ Ձեր և Գերագույն Հոգևոր Խորհրդի այն բարյացակամ բարեպաշտիկ մտածման համար, ըստ որում հանդիսավոր պատարագ և հոգեհանգստյան պաշտոն է կատարվել իմ սիրելի հոր հոգու հանգստյան և փրկության համար:

12 օգոստոսի 1955 թ., Փարիզ:

ԿՅՈՒԼՊԵՆԿՅԱՆ